

Vegnimmo a-i mogogni. L'ò dito doe vòtte a-o scindico Döia (do 2013 e do 2016) e òua o diggo anche a voscià: Zena a l'é 'na çitæ sucida! Gh'é rumenta da tutte e parte, anche inte nòstre stradde ciù belle. Tanti menissi de papê, plastica, botigette, tòcchi de veddro, lamme de bira e tante atre cöse che basta amiâ 'na stradda quæ se sæ pe vedile. Saiâ che e gente son mâducæ, saiâ che chi vive de neutte o pensa solo a inbriægâse, saiâ che no gh'é in cian eficiente pe polî e stradde, fæto sta che Zena a l'é sucida! E òua manco ciù i bezeugni di chen vegnan arecugeiti! Vedde Zena coscì mâ reduta me fa strenze o cheu. Sciâ fasse anche voscià comme i dûi da Republica che quande gh'ea da inandiâ quarcösa pò-u ben de Zena no se son mai tiæ inderê. Ghe contemmo!

Comme gh'ò za dito l'anno pasòu, bezeugna che tutti se pigemmo l'inpegno no solo de difende a nòstra bella lengoa zeneize, ma d'atrovâ e stradde pe rilanciâla. A l'é 'n patrimonio coscì dito inmateriale ch'a gh'à quæxi mil-l'anni e che poemo perde de chi a trent'anni! Pe questo inportantissimo l'é l'inpegno de istituçoin. A Compagna a l'é disponibile de travagiâ co-o Comun za da òua.

E parlando de cöse de Zena no pòsso astegnime da notâ che inta bella trasmiscion in sciâ "Capella Scistin-a" in quæxi doe oe de trasmiscion l'Alberto Angela o no l'à trovò dexe segondi pe dî che i doî pappi ciù coinvolti, Scisto IV e Giulio II, ean de Sann-a! A mæxima cösa pe-e pontæ dedicæ a-o Loenso de Medici: s'é parlòu tanto da Scimonetta Vespucci e no s'é mai dito che o seu nomme da fig-

gia o l'ea Cattaneo e ch'a l'ea zeneize! Fòscia, sciò scindico, in pensierin de intervegnî istituçionalmente in caxi coscì sfaciæ, dove Zena a vegne ascordâ do tutto, bezurieviva falo e in pö de sciato in sce questi temi o servieiva anche pò-u turismo.

Pe vegnî a-e cöse belle, A Compagna a l'é stæta contenta de vedde che, finalmente, dòppo avei mogognòu in ben quattro confeughi (2009, 2010, 2011, 2013), a staoa do Ducca de Galliera, Raffaele De Ferrari, a l'à trovò a seu colocaçion in fondo a-a stradda Corsega, apenn-a primma da rionda. A Compagna a l'ea prezente co-o gonfalon quande a staoa a l'é stæta missa in sciò pèdestallo e a ghe tegne a ese prezente quande o Comun o faiâ l'inouçuraçion ofiçiale.

Comme l'anno pasòu, finiscio co-i Mogognin, mogogni fæti da zoeni de scheue superiori e recugeiti da-i nòstri sòcci Mirko e Rossana Oriati. Ecco chi a busta con tutti i Mogognin che se peuan riasumme coscì: tanti i problemi da viabilitæ, a çitæ a dev'ese ciù polita (l'ò dito mi ascì), fâ iniçiative pe rende Zena ciù atraente into rispetto da tradiçion.

Mi ò finio. M'é cao concludde co-o dî che st'anno chi gh'emmo di canti nataliççi anche in ingleize: sciâ i pigge comme 'n òmaggio a-a seu atività fæta a l'estero e comme 'n ouçurio de cheu pe quello che sciâ l'à da fâ chi in patria: chi a Zena.

Tanti ouçuri e scignorîa a Voscià e a tutti. Pe Zena e pe San Zòrzo!

Il Parlamento è convocato all'Aula San Salvatore, Scuola Politecnica dell'Università di Genova, Piazza Sarzano a Genova, in prima convocazione sabato 13 aprile 2019 alle ore 01,00 ed in seconda convocazione **sabato 13 aprile 2019 alle ore 9,00** con il seguente Ordine del Giorno:

- approvazione relazione morale 2018
- approvazione rendiconto consuntivo 2018
- approvazione rendiconto preventivo 2019
- conferma del Console Generale alla Presidenza
- varie ed eventuali.

Isabella Descalzo
Gran Cancelliera

Ricordo quanto previsto nell'articolo ventiduesimo - diritti di voto: agli effetti delle votazioni saranno considerati solo i Soci Effettivi in regola con il pagamento delle quote.

I Soci con diritto di voto hanno facoltà di farsi rappresentare da altro Socio avente diritto di voto mediante regolare delega scritta da presentarsi al Parlamento al momento dell'apertura. Un Socio non potrà avere più di tre deleghe.

Facsimile di delega

Il Socio _____

delega _____

a rappresentarlo in occasione della riunione a Parlamento del 13 aprile 2019.

Firma di chi delega _____